



說醫說叙



醫說說醫也按經籍考載宋張景李明撰書凡
十卷云今讀之遠心脩度其闡藝極之微乎述
叙學傳所以諗端也周論方脉所以約準也要
察證報所以彰警也緣法以求業探制以永習
術者莫之能離也夫襲世懣教靡紹師承故必
折諸聖湮典刊式蔑所繹則故必稽諸籍冒賄
信闇引毒伐生故必徵諸休咎是銳思於徃遺
據意於時覈蒐事格論斯其備矣故曰說醫在

昔軒岐辯道晰言揆指而昭迷作內經靈樞諸篇冲含玄極發融太和茲永世之賴也近古有若秦越人太倉公顯名諸侯流轂異代而太史公書具存其崇範殫智雖假緣飾亦不詭於古人按而稽之可誦而傳也是又在人默識之焉矣矧醫為意也天地之氣運候而異委風土之變南北而異宜寒暑之節壯弱而異受故有異疾而同療殊劑而合効者蓋醫之於疾若老吏斷獄古方書猶律令所謂案也顧所取裁不遷

於成而醫也宣導藥理維盡諸證子華子曰藥者瀾也言有疏也是故纂緒而達其變會要而參其全不可以執而必曰古方古方過矣則醫說者固以意言之乃今知藝極之所以微也南衡童先生按晉携此編自隨極愛其衷述不舛怪間以語立請刻之爰敷惠心以康晉之人季明固有遭哉李明世醫也其言足徵安得而不傳嘉靖癸卯夏六月朔東黃張子立撰

醫說序

越帥待制汪公鎮越累年未嘗不以濟人救物爲心
興利除害爲事一日以張氏醫說巨編示興俾是正
其訛舛將鋟梓以廣其傳興因整襟肅容而觀之見
其敘醫家之本末疾病之精微無慮數十萬言吁何
其詳且博也夫醫之道大矣自農黃岐伯雷公而下
無非聖哲開其源賢智導其流故能拯黎元之疾苦
贊天地之生育世道旣降士大夫以此爲技藝不屑
爲之而畀之凡流故以至精至妙之理而出於至卑
至淺之思其不能起人之疾反以夭其命者多矣此

文正公所以自謂不遇則願爲良醫前輩亦云治
病而委之庸醫比之不慈不孝也抑思之自昔卓然
名家者如和緩扁鵲淳于意張仲景孫真人及脉訣
等書其論醫也莫不以保養爲先藥石爲輔至於察
行診脉必致辨於毫芒疑似之末而深痛夫世之醫
者苟簡虛僞之習也是書所載大略舉矣而以序冠
其前者顧乃以醫之伐病如將伐敵當用背水陣以
爲勝是徒見夫華佗之說時出其間而或有以奇捷
之方拯人之危者爾愚觀近世賢士有爲證類本草
者其說謂道經略載扁鵲數法其用藥猶是本草家
意至董京于意及華佗等方今時有存者皆條理藥
性惟仲景一部最爲衆方之祖但其善診脉明氣候
以意消息之爾至如剗腸割臆刮骨續筋之法乃外
術所得非神農家事至哉爲論足以發明是書之大
旨矣興旣爲辯其舛誤芟其蕪類而間以所聞於記
錄者稍附益之且以其管見復於公庶幾不負委屬
之意云

紹定改元孟夏望日門下士山陰諸葛興謹書

醫說目錄

卷一

歷代名醫

三皇

太昊宓犧氏

炎帝神農氏

黃帝軒轅氏

伏羲季

岐伯

鬼臾區

少師

伯高少俞

俞跗

祠君

雷公

馬師皇

陶唐

巫咸

商

伊尹

周

巫彭

矯氏俞氏盧氏

春秋

醫緩

醫和

文摯

醫詢

扁綱

戰國

秦長桑君

扁鵲

子豹子陽

秦

李醯

崔文子

安期先生

西漢

樓護

公孫光

陽慶

太倉公

秦信

王遂

宋邑

馮信

高期

王禹

唐安

杜信

玄俗

東漢

張機

郭玉

涪翁

程高

沈建

張伯祖

杜度

衛沉

淮南子

蜀漢

李譔

魏

華佗

李當之

吳普

樊阿

封君達

韓康

吳

呂搏

董奉

負局先生

晉

李子豫

張苗

王叔和

趙泉

皇甫謐

裴頠

裴顛

劉德

史脫

劉泰

靳邵

阮佃

張華

蔡謨

支法存

仰道士

葛洪

殷仲堪

程據

范汪

宋

王纂

胡洽

徐熙

道度

叔嚮

薛伯宗

徐仲融

徐文伯

徐嗣伯

徐深

劉涓子

羊昕

秦承祖

南齊

張子信

馬嗣明

張遠遊

北齊

顧歡

李元忠

李密

崔季舒

祖珽

褚澄

鄧宣文

顏光祿

徐謩

徐祖

龍樹王菩薩

徐之才 徐林卿 徐同卿

後魏

王顯

梁

陶弘景

周

徐之範

杜善方

隋

徐敏齊

許智藏

巢元方

楊上善

全元起

唐

蘇恭

甄權

甄立言

宋俠

許胤宗

孫思邈

藥王韋慈藏

處士蕭炳

李虔縱

楊玄操

張文仲

孟詵

王冰

元珠先生

楊損之

王方慶

秦鳴鶴

許孝宗

張鼎

陳藏器

李含光

五代

孟昶

韓保昇

陳士良

唐慎微

卷二

醫書

醫書

黃帝與岐伯問難

素問惟八卷

鑿之起

方書所出

難經

陸宣公袁方書

本草

百藥自神農始

皇朝開寶中重校定

藥有君臣佐使

用藥增減

藥有宣通補洩

本草黑白字

藥有陰陽配合

誤注本草

藥名之異

鍼灸

鍼灸之始

明堂

妙鍼獺走

鍼驚愈鬼

鍼愈風手

許希善鍼

鍼法

鍼愈風眩

鍼鼻生贅

筆鍼破癰

鍼瘤巨風

善鍼

捫腹鍼兒

鍼急喉閉

砭石

刺誤中肝

九鍼

工鍼

鍼舌底治舌出不收

艾謂之一壯

灸背瘡

蒜灸癰疽

灸瘰癧

灸欬逆法

灸鼻衄

灸牙疼法

脚氣灸風市

灸脚轉筋

三里頻灸

灸頭臂脚不宜多

灸痔疾

灸蛇毒

灸難產

灸臍風

不宜灸

因灸面而黑氣

神醫

太醫集業

趙簡子

神醫

尸歷

死胎

郝翁精於醫

褚澄善鑿

唐與正治疾

以鑿知名

耳聞風雨聲 非孕 徒癰

劉從用妙醫 拔麥中蠱 華佗醫疾

破腹取病 扁鵲見齊桓侯

文摯 董奉 華佗

臟氣已絕 病有六不治 隨俗為醫

扁鵲兄弟三人 肝氣暫舒 豎傷脾

病狂 肝氣暫舒

卷三

神方

夢獲神方 藥愈眼疾 觀音治痢

懸癰 神授乳香散

夢張王藥愈癰 救疫神方

治吐血 呂真人治目疾

驚風妙藥 治內障羊肝丸

神精丹 寒嗽 丁公藤愈風

豨薟丸 一服飲

診法

診法 動脉 脉行氣逆順

四時之脉 肥瘦虛實

形氣相得相反 善別脉

龐安常脉法 太素之妙 魚游蝦戲

傷寒

百病之本 察病先識其源

病之所由 六經傷寒用藥格法

傷寒有五 陽證傷寒 竹葉石膏湯

聖散子之功 柴胡呔咀 寒厥

風濕不可汗下

取汗不可先期 傷寒古出

四時癘疾 辯沙病 暑氣所中

傷寒後睡不著 用藥不同

傷寒差後之戒

諸風

風者百病之始 中風用藥

中風 辯諸風證 諸風

風痺 風瘳 腰腿

風眩 風痺 偏枯

小中不須深治 邪風

風厥 睡防風吹 白癩病

長松治大風 療風癩絕不同

食川山甲動風舊疾 菝草治風

蜈蚣治風

蛇墜酒嬰治風

桑枝愈臂痛

透冰丹愈耳痒

臂細無力不任重

風眩

風痺

風蹶

痺

苦杏風

癱瘓

迴風二條

手足沉重狀若風者

上氣常須服藥

熱蹶

眉髮自落

卷四

勞瘵

五勞

木瘵

虛勞

心勞

傳勞

遺道人治傳勞方

勞傷瘵疾

勞傷

瘵疾

口瘵

蠟治勞疾

虛勞服藥

氣血虛勞

骨蒸內熱

治羸瘵

瘵吐血

天靈蓋

鼻衄吐血

鼻衄二條

嘔血

山梔子茅花愈

頭風

偏頭疼

頭眩

厥頭熱

婦人偏頭痛

沐頭洗浴

婦人月水來不可沐頭

川芎不可久服

眼疾

目疾

續膏拭目

觀音洗眼偈

眼疾不可洗

眼痛不食

眼赤腫

眼疾有虛實

赤目戒食

一目失明

治眼

治內障

婦爛緣眼

治內障眼

治眼二百味花草膏

班瘡入眼

眼中常見鏡子

目疾忌浴

偷鍼眼

目視一物為二

洗眼方

口齒喉舌耳

治喉閉

咽喉腫痛

巧匠取喉鉤

舌腫滿口

舌無故血出

牙疼有四

牙齒日長

舌脹出口

治齒痛

齲齒

飲酒嗽口

漱口食冷

棗能黃齒

齒藥

齒間肉壅出

飲酒喉舌生瘡

苦參不可潔齒

齒縫出血

虎鬚治齒痛

積年耳聾

骨髀

治哽以類推

礪砂治硬

呪水治哽

漁人治哽

治哽

故魚網治哽

倉卒有智

喘嗽

喘有三證

咳嗽二條

治痰嗽

治齁喘

鼻

喘病

肺氣

肺熱久嗽

喘有冷熱

水喘

翻胃

治翻胃

驢屎治翻胃

乾嘔不止

霍亂

卷五

心疾健忘

抑情順理

心疾

驚氣入心

神志恍惚

神氣不寧

健忘詩

忽不識字

治人心昏塞多忘喜誤

治惡夢

麝枕

癩疾 二條

狂

魘不寤

夢

臥而不寐

小便如泔

夜魘

暮臥呪

桑葉止汗

大驚發狂

犯麥毒

夢遺

心脉溢關

瘖

人臥血歸於肝

血脉

笑歌狂疾

高噎諸氣

氣高

五高

五高緒

五噎

靛治噎病

糠治卒噎

病噎吐蛇

食飴治噎

百病生於氣

天地氣所生

氣虛氣逆

有餘不足

重虛

寒熱厥

氣候

六氣

胃氣五臟之本

四時五行五臟五氣

旦暮氣

四時之氣更傷五臟

五臟所藏

五臟所傷

五臟之脉

五入

五惡

五液

五主

五禁

汗出

體有可已之疾

消渴

渴服八味丸 三條

仲景治渴

浮石止渴

苦酒消渴

熱中消中富貴人

心腹痛

心痛

腹痛有數種

大瀉腹痛

暑月破腹

小腹切痛

真心痛

脾痛

冰煎理中丸

心痛食地黃麪

膀胱氣痛

砂石淋

頭垢治淋

諸瘡

瘡名不同 三條 驢軸治瘡

疔疾 二條

瘡疾

病有不可補者

癥瘕

癥瘕

遺積瘕

蟻瘕

蛇瘕

米瘕

髮瘕

食髮致疾

瘕

鼈瘕

鼈瘕者

瘕癰

京三稜治癥瘕

諸蟲

應敵蟲二條

虻蟲

五臟之蟲

九蟲之狀

諸蟲入耳

誤吞水蛭三條

苦寸白蟲三條

誤吞蜈蚣

蚰蜒及百蟲入耳

尸蟲

酒蟲

卷六

臟腑世痢

當暑勿食生冷

辨臟寒下利

治赤白痢

久患泄瀉

痢有赤白

罌粟治

車前止暴下

薑茶治利

二藥治痢

治臟腑

半夏溢脾止瀉

乳煎華撥治氣

臟腑秘澁

風藥燥腸

腸胃流熱

腸風痔疾

痔腸風臟毒

腸風下血

酒痢

藏毒下血

脫血

瘰癧

服石發疽

病疽

治背瘡

治喉瘡

治瘡疽

治瘡疽方

療瘡疽毒

發背無補法

結瘡

預療背疽

雲母膏愈腸瘡

疽

瘡瘡

脚氣

脚氣痞絕

脚氣無補法

脚氣如中箭

脚氣

治閉結并脚氣

附船愈脚氣病

脚屨

旋復根能續筋

漏

時康祖心漏

鱧魚屨漏

鱧漏

蟻漏

犬齧瘡得鍼

炙鼠溜漏

李生虱瘤

腫癭

病腫

腫

陰腫如鍾

小兒陰腫

小兒熱毒浙腫

婦人陰腫堅硬

脚腫

背腫

傳腫

癭

并錫鎮癭

中毒

中仙茅附子毒

中藟毒

中鱧鱉蝦蟇毒

中豆腐毒

諸果有毒

中班鳩毒

中蜈蚣毒

藥反中毒

中魚毒

中蒿菜毒

魚枕遇蟲毒

中酒毒

天蛇毒

中挑生毒

誤飲蛇交水

中蜘蛛毒

中山鷄鷓鴣毒

中石班魚子毒

地漿米治菌毒

解毒

解蠱毒呪并方

解砒毒

治蠱毒

解藥毒

解毒

蟹解漆毒

獸能解藥毒

蛛為蜂螫

保靈丹

卷七

積

傷滯用藥不同

物能去積

食藥

治積用藥

顛撲打傷

墮馬

治臂臼脫

龜獻奇方治傷折

打撲傷損條

熱蔥涕愈傷指

打撲損

墜馬折足

蹴鞦韆墜損

槎衮舒筋

奇疾

簷溜盥手龍伏藏指爪中

婦人異疾

嘔物如舌

消食籠

孕婦腹內鐘鳴

髀瘡兒出

人面瘡

啖物不知飽

腸痒疾

王氏異疾

療饑蟲

小兒魃病

足面奇瘡

產後腸痒

甌氣薰面腫

蛟龍病

疑病

產婦腹中

食鱸吐蝦蟇

瘡破雀飛

蛇在皮中

怪石鏡

冷疾

人漸縮小

視直如曲

寒熱注病

剗腹視脾

大怒病差

蒸之得汗

視胎已死

死枕愈病

病悲思

穀觸氣

兒小腎縮

飲水得疾

誤吞金鎖

飛絲入眼

蛇蟲獸咬犬傷

白芷治蛇齧

被毒蛇傷

碎蛇毒

蛇蟲所傷

山林日用法

治蚯蚓咬

蜘蛛齧

貓傷

馬咬

蜈蚣咬

惡蛇螫

壁鏡咬二條

蠶咬

治諸獸傷

制犬所傷

犬傷二條

虎犬咬

萬螫

蝎螫

蠹蝮妖蟲

湯火金瘡

大黃療湯火瘡

醋泥塗火燒瘡

湯火瘡

湯火瘡禁用冷

治湯火呪

斂金瘡口

治金瘡二條

火氣入脚生瘡

漆澆成瘡

田舍試驗之法

治箭鏃不出

食忌

鼠盜食忌

淡食

飲食不可露天

雜忌

勿過食

食蠶不可食莧

食蟹反忌

銅器不可蓋食

炊湯不宜洗面體

食鹽驚瀉漏肉之戒

食勿多飽勿臥

發暴

飲食忌

醉飲過度

黃帝雜忌法

飲食禁

食蜜不可食鮓

食河豚不可食風藥

飲食宜緩

陰地流泉不可飲

食禁

禽獸蟲魚肉異不可食

勿食生鮮

四時不食

飽勿便睡

生物食之無益

食無求飽

飲食以時

食飲以宜

粥能暢胃生津液

五味致美

飲酒面青赤 魚無腮不可食

卷八

服餌并忌藥

服藥忌食

藥欲用

桃膠愈百病

服木

食木不饑

服木忌蛤

服黃連

服松脂

服黃精

不食蒜

真菊野菊

論物理

服葛蒲

服餌忌羊血

三藥

朴硝下死胎

常服熱藥

泉耳補益

補骨脂丸

用藥徧見

遍體盡疼

功在橘皮 人氣粉犀 老人疾患

物性皆有離合 藥議

施藥 風土不同 蒼朮辟邪

陰氣所侵 流水止水 服雄黃

古方無妄用 草藥不可妄服

服藥次序 服餌

五味各有所歸 治胡臭 一條

枳殼散之戒

疾證

妄庸議病 病生於和氣不須深治

辯證 病名不同

外感内生諸疾 取像

反治法 五臟六腑其說有謬

六淫之疾 治病有八要

病不可治有六失

婦人以帛幪手臂 勇怒

鬱冒 尸厥

外患當以意治

論醫

醫 醫特意耳 論黃連書

藥用君臣

鬚髮眉所屬

活人書

六氣六候

卷九

養生脩養調攝

養生 三條

神氣

內外丹

六氣

養神

存想

養性

吐納

和氣

夜臥

存心中氣

服玉泉

般運捷法

真常子養生

養性之術

藏精養神

養生偈

孫真人養生銘

孫真人養生雜訣

無輕攝養

孫真人十四多

抱朴子十五傷

攝養

衛生五事

善攝生

保養

調攝

真人養生銘

黃能養生

摩面

腎神

心腎肝膽

四損

精氣形

體欲動搖

金石藥之戒

服丹之戒

五石散不可服

服丹之過

服金石藥之戒

金液丹無妄服

川人服丹

炆石不可久服

丹砂之戒

服水銀

服丹多矣風市穴

雷世賢丹藥

服丹自焚

丹發背疽

丹緩其死

婦人

婦人

婦人論

養胎大論

避忌法

轉女為男法條

視井生男

天癸

十月而生

姪孕避忌

婦人驗

姪婦不詳

半產正產

產難

催生歌

產難厭勝

產後寒風入腹

產婦頭涼寒熱

渴飲五味汁

產難胞衣不出

懷子而不乳

孕婦逆生

產後瘕瘕

運悶

婦人月水不通及不斷

漏下帶下崩中

四物湯之功

療師尼寡婦別製方

任氏面疾

姪子二條

卷十

小兒

小兒方

善醫小兒

瘡豆禁雞鴨子

小兒夜啼

小兒不可食雞

治小兒語遲

兒得母寒下痢

小兒感冷身熱

小兒糞青

小兒瀉後脚弱

小兒得地氣方行

小兒初生畏寒

小兒初生回氣

小兒初生服藥

小兒初生通大小便

小兒夜啼有四證

小兒傷乳食發熱

小兒發熱治法

小兒血熱

急慢驚風

小兒吐瀉用藥

小兒瀉痢

小兒解顛

瘡疹

瘡疹有表裏證

瘡疹黏衣用牛糞

剝瘡痂免成癥

瘡疹不可洗面

瘡疹用胭脂塗眼

瘡疹後服清涼飲子

小兒吐瀉後成慢驚

小兒初生不飲乳

兒臍久不乳 薏花浴兒

瘡

瘡瘍生於頰 木癡成瘡

壁土治瘡爛 治瘡久不合

遍身患瘡

膝瘡

骨瘍

獺髓補瘡

石菖蒲愈瘡

風熱細癩

風毒濕瘡

患瘡

魚臍瘡

頭瘡禁用水銀

治惡瘡

治善惡瘡

搔髮際成竅出血

病肥脉

傳瘡

病癩

脚瘡

黃連愈癬

五絕病

五絕

治卒死

凍死

溺死

自縊

夏月熱倒人法

疝痺痺

湧疝

氣疝

牡疝

肺消痺

腎痺

腎痺

熱氣病

脾氣

脾痺

胃疽

醫功報應

許學士

聶醫善士

用詭道以劫流俗

徐樓臺

符助教

水陽陸醫

醫僧瞽報

下胎果報

段承務

鮑君大王

醫不貪色

醫以救人為心

醫說目錄終

醫說卷第一

宋新安張景季明集

歷代名醫

三皇

太昊宓犧氏

宓犧氏以木德王風姓也一曰庖犧氏亦曰太昊蛇
首人身生有聖德母號華胥都於陳作瑟有三十六
絃其理天下也仰則觀象於天俯則觀法於地鳥獸
之文與地之宜近取諸身遠取諸物於是造書契以
代結繩之政畫八卦以通神明之德以類萬物之情

所以六氣六腑五臟五行陰陽水火升降得以有象
百病之理得以類推炎黃因斯乃嘗味百藥而制九
鍼以拯天枉也出帝王世紀

炎帝神農氏

炎帝神農氏長於姜水因而姓姜人身牛首生有聖
德始教天下耕種五穀而食之以省殺生之弊嘗味
百草宣藥療疾以救天傷之命百姓日用而不知著
本草四卷至梁陶弘景以名醫別錄加之為七卷逮
于我唐統極英國公李勣許孝宗蘇敬宗等奉詔更
復採摭去陶氏之乖違辯俗用之純素新脩為二十

卷于今行焉出帝王世紀本草論序

黃帝軒轅氏

黃帝有熊氏少典之子姬姓也長于姬水龍顏有聖
德生而能言役使百靈可謂天授自然之體也猶不
能端坐而得道故以地皇九年正月甲子將遊名山
以求神僊時方明力牧從焉東到青丘見紫府先生
受三皇天文以勅召萬神至具茨見大隗君而受神
芝之圖西見中皇真人受九品之方至羅霍見黃蓋童
子受金銀方十九首適崆峒而問廣成子受以自然
經造峨嵋山並會地皇君受以真一經入金谷問道

養而質玄素二女著體診則問對雷公岐伯伯高少
俞之論經脉旁通問難以爲經教制九鍼著內外經
十八卷陟王屋山玉關之下清齋三日乃登於玉關
之上入瓊林臺於金柅得玄女九鼎神丹飛香爐火
之道乃於茅山採禹餘糧烹之得銅遂還荆山之下
鼎湖之上參爐定鼎虎豹萬羣爲之視火九鼎神丹
成有黃龍下迎黃帝上昇羣臣後宮從上者七十餘
人其小臣不得上昇乃抱其弓與髯而號故後世因
名其處爲鼎湖其弓名曰烏號

出帝王世紀及黃帝九鼎丹經

儗貸季

從貸季神農時臣也岐伯祖之師神農立方書乃令
儗貸季理色脉對察和劑摩踵訛告以利天下而人
得以繕其生

出路史

岐伯

岐伯黃帝臣也帝使岐伯嘗味草本典主醫疾經方
本草素問之書咸出焉

出素問

鬼史區

鬼史區黃帝臣也帝與論五運陰陽之道著之玉版
藏之金匱署曰天元紀

出素問

少師

少師黃帝時臣未詳其姓帝與論陰陽表裏憂患聲
音通天八風究極理道出素問

伯高 少俞

伯高少俞並黃帝時臣未詳其姓輔佐黃帝詳論脉
經對問難經究盡義理以為經論故人到于今賴之
出素問

俞跗

俞跗者黃帝臣也善醫術所治不以湯液醪醴鏡石
鑿引湯熨撥見病之應因五臟之輸乃割皮解肌決
脉結筋擗髓樸荒瓜幕漚沆腸胃漱滌五臟鍊精益

形也 十日病焉 出史記

桐君

桐君者黃帝時臣也撰藥對四卷及採藥錄說其
葉形色論其君臣佐使相須至今傳焉山本草 經義論

雷公

雷公者黃帝時臣也善醫術黃帝燕坐召雷公而問
之汝受術誦書者若能覽觀雜學別異比類通合道
理子務明之可以十全若不能知為世所怨又曰子
知醫之道乎雷公對曰誦而頗能解解而未能別別
而未能明明而未能彰足以治羣僚不足以治侯王

雷公避席再拜曰臣年幼小朦愚以惑不聞臣受業
傳之以教請誦脉經上下篇衆多矣至於別異比類
猶未能以十全又安足以明之出素問

馬師皇

馬師皇黃帝時醫獸者也善知馬形氣生死診治之
輒愈後有龍下向之垂耳張口師皇曰此龍有病我
能已之也乃鍼其辰及口中以甘草湯飲之而愈不
數數有龍其陂造而治之一旦龍負之而去不知
所之也仙傳

陶唐

巫咸

巫咸堯臣也以鴻術為帝堯醫又世本曰巫咸初作

筮出郭璞巫咸山序及世本

商

伊尹

伊尹成湯臣也作湯液經出事物紀原

周

巫彭

巫彭初作醫周官曰五穀五藥養其病五氣五聲五
色視其生觀之以九竅之變參之以五臟之動遂以

五毒攻之以五藥療之以五氣養之以五味節之以

祛百病出史記及周書

矯氏 俞氏 盧氏

矯氏俞氏盧氏並周之良醫也出列子及初學傳

春秋

醫緩

醫緩春秋時秦人也未詳其姓晉悼公病求醫秦伯

秦伯使醫緩治之未至公夢二豎子相謂曰彼良醫

也懼傷我將焉逃之其一曰我居育之上汝居膏之

也河緩至謂公曰疾不可為也在育之上膏之

下攻之不可達之不及達為藥也藥不至焉不可為也公

曰良醫也厚禮而歸之

醫和

醫和者春秋時秦人也未詳其姓晉侯有病求醫於

秦伯秦伯使醫和視之曰疾不可為也是謂近女室

疾如蠱非鬼非食惑以喪志惑女色而失志良臣將死天命

不祐趙孟曰良醫也厚其禮而歸之並出春秋左氏傳

文摯

文摯者春秋時宋國良醫也洞明醫道亦兼異術龍

叔子謂之曰子之術微矣吾有疾子能已之乎文摯

則命龍背明而立文摯從後向明而孰視之曰嘻吾見子之心矣方寸之地虛矣幾聖人也子心六孔流通一孔不達今知為惑疾由此乎治之遂愈

醫均

醫均者秦之良醫也莫知其姓張子背腫命均治之張子謂之曰非吾背也任子制焉治之遂愈夫身之與國亦猶此也必有所委然後治之出尹子

鳳網

鳳網者漢陽人也常採百草花水漬之瓮盛封泥自正月始迄九月末又取瓮埋之百日煎丸之卒死者

以此藥內口中水下之皆生服網藥者非但疾差數

百歲死不沒入地肺山仙去也

出神仙傳

戰國

秦長桑君

長桑君者六國時人不知何許人也時人莫有識者扁鵲少時為人舍長舍客長桑君過扁鵲心自奇異之常謹以禮遇長桑君亦知扁鵲非常人也乃悉取其禁方書盡與扁鵲

扁鵲

扁鵲者渤海鄭人也

徐廣曰鄭當為鄭鄭縣名今屬河間姓秦名越人

至今天下言脉者由扁鵲也 出史記

子豹 子陽

子豹者秦越人弟子號太子死扁鵲乃使弟子子陽厲鍼砥石以取三陽五會有間太子蘇扁鵲乃使子豹為五分之熨以八減之劑和煮之以熨兩脇下太子遂能起坐焉 出史記

秦

李醜

李醜為秦太醫令自知伎不如扁鵲遂密使人刺殺之 出史記

崔文子

崔文子者秦時太山人也志好黃老事居潛山下後作黃散赤丸藥賣之都市自言年三百餘歲後有疫氣人死者萬萬許長史請文子救之文子擁朱幡繫黃散以巡人間飲散服丸即愈所活者以萬計其後去之蜀賣藥故世人云崔文子赤丸黃散近於神也

出列仙傳

安期先生

安期先生者琅琊鄉人也賣藥海邊時人謂之千歲公李少君太山採藥病困殆死遇安期安期與之神

樓散服一錢七遂愈秦始皇聞之召見與語三日三夜賜金璧數十萬出於阜亭鄉皆置之而去出列仙傳

西漢

樓護

樓護字君卿齊人也父為醫護少誦經方本草秘方十萬言長老咸敬重之共謂之曰以吾子之材何不學乎由是辭其父學經為京兆令甚有名譽出漢書

公孫光

公孫光齊淄川唐里人也好醫術為當時所重初淳于意就光家求學光悉以教之曰所授妙方子無以

教人意曰得禁方實幸甚死不敢言傳光曰爾後必為國醫吾方盡矣臨淄陽慶其方不可異吾不如也可謹事之必得其方意遂辭光而事慶焉出史記

陽慶

陽慶山東齊人也傳黃帝扁鵲之脉書診病知人生死

太倉公

太倉公者齊太倉長臨淄人也姓淳于名意少時喜醫方術高后八年得見師臨淄元里公乘陽慶慶有古仙道遺傳黃帝扁鵲之脉書五色診病知人生死

決嫌疑定可治及藥論書甚精悉受其禁方

秦信

秦信者不知何許人也少明敏有度量好經方本草及黃帝扁鵲之脉書為當代良醫

王遂

王遂不知何郡人少明經方工於理療以藝術精博為齊王侍醫

宋邑

宋邑者臨淄人也率性愛人志尚醫術就齊太倉公淳于意學五脉論之術為當世良醫並出史記

馮信

馮信齊臨淄人也為齊太倉長性好醫方精於診處而臨淄王猶以其識見未深更令就淳于意學方意教以按法逆順論藥法定五味及和劑湯法信受之擅名於漢

高期

高期不知何許人也入仕為濟北王太醫王以期術藝未精遣就倉公淳于意學經脉高下及奇絡結俞穴所在及氣當上下出入邪正逆順以宜鑱石定刺灸之法歲餘亦頗通之乃以此知名

王禹

王禹不知何郡人也以藝術為濟北王太醫以識見未精就倉公意學數歲而通之以此知名漢代

唐安

唐安齊臨淄人也言貌謙恭風儀溫雅性好醫術就倉公學意教以五診上下經脈奇咳四時應陰陽之法乃為齊王侍醫

杜信

杜信不知何許人也性度溫恭謙柔好學知是身是病乃悉心學醫自欲扶危持顛兼以安人濟眾遂詣

倉公求學情理甚懇意憐之教以上下經脈五診之法二歲餘亦以知名漢代

並出史記

玄俗

玄俗者莫知其姓字也自言河間人恒食巴豆雲母賣藥於都市為人治病河間王買藥服之下地十餘頭王問其病源俗云王病乃世餘殃非王所知也緣王嘗放乳鹿仁感天心故遭俗爾王欲以女妻之俗夜亡去不知所之後有人見於常山之下焉

出列仙傳

東漢

張機

後漢張機字仲景南陽人也受術於同郡張伯祖善於治療尤精經方舉孝廉官至長沙太守後在京師為名醫於當時為上手時人以為扁鵲倉公無以加之也

出何顯別傳及甲乙經仲景方論序

郭玉

郭玉太醫丞廣漢人也和帝試玉之診使嬖臣美手者與宮人雜處帷中令玉診之玉曰左陽右陰非一女之脉也帝甚奇之

出後漢書

涪翁

涪翁者不知姓名釣於涪水因號涪翁精於醫術所

治病不限貴賤皆磨踵救之而不求其報甚為實

所出後漢書

程高

程高廣漢人也性好經方問道無倦有一藝長於己者必千里伏謁聞涪翁善醫術及鍼經診脉法尋求積年竟乃得之擅名當代為太醫丞

出後漢書

沈建

沈建丹陽人也父為長吏建獨學好道而不肯仕宦學導引飲食之術延年却老之法又能治病病無輕重建治輒愈建斷穀不食輕舉飛行或去或來如此

二百餘年乃絕迹不知所之出神仙傳

張伯祖

張伯祖南陽人也志性沉簡篤好方術診處精審廢書十全為當時所重同郡張仲景異而師之因有大

景出張仲景方序論

杜度

杜度不知何許人也仲景弟子識見宏敏器宇坤深淡於驕矜尚於救濟事仲景多獲禁方遂為名醫出

景方

衛沉

衛沉不知何郡人也仲景弟子知書疏有小才選四

逆三部厥經及婦人胎臙經小兒顛顛經方三卷皆

其所制知名當代出仲景方

淮南子

淮南子者淮南王劉安也通醫道好黃白之術嘗作

內書二十篇外書甚眾出東漢書

蜀漢

李譔

李譔字欽仲梓潼涪人也通五經諸子無不該覽博

好醫方為庶子遷僕射中散大夫後在官卒出蜀志

魏

華佗

華佗字元化沛國醴人也洞曉醫方兼善養生之術年百餘歲而貌有壯容時人謂之僊出魏志列傳

李當之

李當之不知何許人也華佗弟子少通醫經尤精藥

術出梁錄

吳普

吳普廣陵人也為華佗弟子以醫術知名姓恬淡善

醫方年九十餘而耳目聰明牙齒完堅知名當代出續

樊阿

樊阿彭城人受術於華佗遂為名醫出張湛養生論華佗別論

封君達

青牛道士封君達隴西人也服黃連五十餘年又入

烏鼠山服汞百餘歲後還鄉里視之如年三十者常

騎青牛聞有疾病殆死者無論識與不識以藥治之

應手而愈後入玄丘山仙去出神仙傳及博物志

韓康

韓康字伯休京兆灃陵人常採藥於名山賣於長安

市口不二價三十餘年時有女子從康買藥康守價不移女子曰公是韓伯休那此二價康嘆曰我本避名女子皆知有我何用藥為遂入灞陵山中莫知所之出高士傳

吳

呂搏

呂搏少以醫術知名善診脉論疾多所著述吳赤烏二年為太乙令撰玉匱鍼經及注八十一難經大行

於代出玉匱經序

董奉

董奉字君異候官人也為人治病病愈令種杏五株輕者一株數年之間杏有十萬杏熟以穀一器易一器杏以所得穀賑濟貧乏奉在人間近二百年顏貌若三十許人一日舉手指天竦身入雲出葛洪神仙傳

負局先生

負局先生吳人也莫知其姓名負石磨鏡人有疾苦即出紫丸赤丸與服無不差後大疫家至戶到與藥活數萬餘人不取錢去時語人曰吾欲還蓬萊山為汝曹下神水崖頭一旦有水色白從石間流下服多即愈疾出列仙傳

晉

李子豫

李子豫晉時不知何郡人也少善醫方當代稱其通靈許未為豫州刺史其弟患心腹堅痛十餘年殆死夜忽自聞屏風後有鬼謂腹中鬼曰何不促殺之不然而明日李子豫當從此過以赤丸打殺汝汝其死矣腹中鬼對曰吾不畏之於是許未使人候子豫子豫果來未入門病者自聞腹中呻吟聲及子豫入視曰鬼病也遂於其箱中出八毒赤丸與服須臾腹中雷鳴彭轉大利數行遂差今八毒丸方是也

出續搜神記

張苗

張苗不知何郡人也雅好醫術善消息診處為時

重出晉書

王叔和

王叔和高平人也博好經方尤精診處洞識攝養之道深曉療病之源採摭羣書撰成脉經十卷篇次張仲景方論為三十六卷大行于世

出張湛養生方

趙泉

趙泉不知何許人也性好醫方拯救無倦善療眾疾於瘡尤工為時嘆服

皇甫謐

皇甫謐字士安幼名靜安定朝郡人也沉靜寡慾殆有高尚之志以著述為務自得風痺疾因而學醫習覽經方手不輟卷遂盡其妙

裴頠

裴頠通博多聞兼明醫術言古尺與世所用短四分須改太醫權衡此若差違藥物輕重分兩互乖所以天傷為甚古壽考今短折未必不由此也

裴顛

裴顛字逸之河東人也多學術善醫經診處通明方

精當于時名醫碩學咸皆嘆服官至尚書左僕射

劉德

劉德彭城人也少以醫方自達長以才知名當朝縉紳伏膺附響工治眾疾於虛勞不足尤見精通療之隨手而愈由是承流向風千里而來者多矣官至太醫校尉

史脫

史脫不知何郡人器性沉毅志行敦簡善診候明消息多辯論以醫精專拯療工奇拜太醫校尉治黃疸

病最為高手

宮泰

宮泰不知何郡人幼而岐嶷長而聰敏靜好墳典雅尚方術有一藝長於己者必千里尋之善診諸疾療上氣尤異制三物散方治喘嗽上氣甚有異效世所貴焉

靳邵

靳邵不知何許人也性明敏有才術本草經方誦覽通究裁方治療意出眾見創置五石散方晉朝士大夫無不服餌獲異效焉

阮佃

阮佃字德好陳留尉氏人也幼而聰慧長而好學性沉靜有大度以秀才為郡游心方伎無不通會於本草經方療治之法尤所耽尚官至河內太守

張華

張華字茂先范陽方城人也學業優博辭藻溫麗精於經方本草診論工奇理料多效出晉書及徐廣晉紀

蔡謨

蔡謨字道明不知何許人素以儒道自達治莅知名性有道風耽尚醫術常覽本草經方手不釋卷及授

揚州刺史將之任渡江食蟹誤中彭蜺毒殆死嘆曰
讀爾雅不熟為學所誤焉 出晉紀

支法存

支法存者嶺表僧人也幼慕空門心希至道而性敦
方藥尋覽無厭當代知其盛名自永嘉南渡晉朝士
夫不襲水土所患皆脚弱唯法存能拯濟之 出千金方序

仰道士

仰道士嶺表之僧人也少以聰慧入道長以醫闡懷
因晉朝南移衣纓士類不襲水土皆患輭脚之疾染
者無不斃路而此僧獨能療之天下知名焉 出千金方論序

葛洪

葛洪字稚川丹陽句容人也廣覽眾書及諸史百家
之言下至短雜文章僅得萬卷自號抱朴子善養性
之術明拯救之法撰經效諸藥方三卷名曰肘後 出晉書

中興書

殷仲堪

殷仲堪陳郡人父病積年衣不解帶躬學醫方究其
精妙 出晉書

程據

程據不知何許人志性沉毅雅有度量少以醫術知

名為太醫令

出晉中興書

范汪

范汪字玄平不知何郡人少孤年六歲過江依外家新野庾氏賓于園中布衣蔬食燃薪寫書畢讀誦亦遍遂博通百家之言性仁愛善醫術嘗以拯恤為事凡有疾病不以貴賤皆治之所活十愈八九

出晉中興書

宋

王纂

王纂者海陵人也習經方尤精鍼石遠近知其盛名

出劉頴叔異苑

胡洽道士不知何許人性尚虛靜心栖至道以拯救為事醫術知名

徐熙

徐熙字秋夫不知何郡人時為射陽令善醫名聞海

內

道度

道度熙之長子也器宇宏深節行清敏少精醫術長有父風位至蘭陵太守

叔嚮

叔嚮熙之次子也志性溫恭敏而好學善於政理尤工醫術官至太山太守

並出宋書

薛伯宗

薛伯宗不知何許人善以禁氣治人病

出宋書

徐仲融

徐仲融不知何郡人為濮陽太守性好黃老隱秦望山有道士過之求飲因留一胡蘆遺之曰君習之子孫當以道術救世位至二千石仲融開視乃扁鵲鏡經一卷因精心學之名振海內仕至濮陽太守

徐文伯

徐文伯字德秀東陽人也為太山太守素有學行篤好醫術

徐嗣伯

徐嗣伯東陽人也文伯之弟志節慷慨超然不羣少負其才雅有異術而性行仁愛經方診訣占候靡不詳練悉心拯救不限貴賤皆磨踵救之多獲奇效特為當代所稱

並出宋書

僧深

僧深齊問道人也少以醫術知名療脚弱脚氣之疾為當時所服撰錄法存等諸家舊方三十餘卷經用

多效時人號曰深師方出千金方序論

劉涓子

劉涓子不知何許人晉末於丹陽郊外較射忽有一物高二丈許因射而中之走如電激殼若風雨夜不敢追明日率門人弟子鄰巷數十人尋其踪跡至山下見一小兒問曰何往小兒云主人昨夜為劉涓子所射取水以洗瘡因問小兒主人是誰荅曰是黃父鬼乃依小兒還未至聞搗藥殼遙見三人一人臥一人閱書一人搗藥即齊聲叫突而前三人並走遺一帙癰疽方并一曰藥時涓子得之從宋武帝北征

被創者以藥塗之謂聖人作事

助之蓋天以此授武帝也涓子用方為治千無一失

演為十卷號曰鬼遺方出龔慶宣鬼遺方序

羊昕

羊昕字敬元不知何許人志好文儒性敦方藥莅事詳審診癘精能以拯濟功奇累遷中散大夫義興太守

秦承祖

秦承祖不知何郡人也性耿介有決斷當時名人咸為伏而專好藝術精於方藥不問貴賤皆治療之嘗

特稱之為上手並出宋書

南齊

張子信

張子信河內人也清靜好文學少以醫術知名大寧

中徵為尚藥典御出齊書

馬嗣明

馬嗣明河內野王人少明醫術診脉即知人生死視

徐之才等蔑如也出齊書

張遠遊

張遠遊齊人也以醫藥道術知名尋有詔徵令與錢

術士同合九轉金丹升成顯祖置之玉匣曰貪人間

樂不能飛上天待我臨死方可服出齊書

北齊

顧歡

顧歡字玄平吳郡人也隱於會稽山陰白石村歡率

信仁愛素有道風或以襍厭而多所全護有病邪者

以問歡歡曰君家有書乎曰唯有孝經可取置病人

枕邊恭敬之當自差如言果愈問其故曰善襍惡正

勝邪出吳均齊春秋

李元忠

李元忠騎大將軍兼中書令晉陽縣伯趙郡栢仁人也初以母老多患遂通集方術志性仁恕疾病療之無間貴賤出北齊書

李密

李密殿中尚書濟州刺史容城縣侯食邑四百戶字希邕平棘人也密方直有至行母病積年不愈乃習經方遂臻其妙多所獲全由是知名

崔季舒

崔季舒字叔正博陵安平人也少孤明敏有識涉獵經史素好圖籍長於尺牘有經世才精於醫術經方

本草常所披覽不限貴賤皆拯治之出北齊書

祖珽

祖珽字孝徵范陽狄道人也博學善屬文尤長於醫術出北齊書

褚澄

褚澄齊尚書吳郡太守字彥通雅有才量博好經方善醫術診處上候究盡其疾病療之無貴賤皆先審其苦樂榮悴鄉壤風俗水土所宜氣血強弱然後裁方用藥至於寡婦僧尼必有異乎妻妾之療

鄧宣文

鄧宣文不知何許人少以醫術知名志性方直除太
醫尚藥典御出北齊書

顏光祿

顏光祿不知何許人嘗云詮三品藥性以本草爲主
道經仙方服食斷穀延年却老乃至飛丹鍊石之奇
雲騰羽化之妙莫不以藥道爲先用藥之理一同本
草但制御之途小異世法大略所用不多遠至二十
餘物或單行數種便致大益是其服食歲月深積即
本草所云故能臻其所極以致遐齡豈但充體愈疾
而已哉出本草

徐謩

徐謩字成伯丹陽人也與兄文伯皆善醫謩性秘忌
承奉不得意雖貴如王公不爲措療魏孝文遷洛除
中散大夫文伯事南齊位至太山蘭陵守出南齊書

徐雄

徐雄謩之子也爲員外散騎侍郎醫術爲江左所稱
重至子之才貴盛贈太常卿兗州刺史出南齊書

龍樹王菩薩

龍樹大士者能治眼疾假其說集治七十二種目病
之方名曰龍樹眼論出佛經

徐之才

徐林卿

徐同鄉

徐之才金紫光祿大夫開府儀同三司尚書令西陽郡王字士茂高平金鄉人幼而俊發酬應如響善醫有機辯武明皇太后不豫之才奉藥立愈肅宗召與同坐令皇太子拜之贈帛千段錦四百疋車馬衣服上利田園千畝長子林字少卿大尉司馬次子同鄉太子庶子亦醫術知名

出北齊書

後魏

王顯

王顯字世榮陽平人也頗叅士流雖以醫術自達而

明敏有決斷才初聞昭懷皇后之懷世宗夢為日所逐化為龍而繞后后寤而驚悸遂成心疾敕召諸醫及顯為后診脉徐謦言是微風入臟宜進湯藥及加鍼灸顯診云按三部非有心疾將是懷孕生男之象後果如顯言乃補御史

出後魏書

梁

陶弘景

梁陶弘景貞白先生字通明丹陽人母郝氏夢兩天人手執香爐來至其所既而有孕以孝建三年夏至日生幼而警慧博學通經有志養生性好醫方專於

拯濟利益羣品故脩撰神農本草經三卷出梁書及藝文雜類

周

徐之範

徐之範儀同大將軍太常卿恒山太守嗣西陽王即北齊之才之弟也亦以醫術知名官至太常卿襲兄爵為西陽王齊滅入周拜儀同大將軍出後周書

杜善方

杜善方不知何許人京兆醫工也以本草藥名隋類解釋刪去重複又附以諸藥制使畏惡解毒相反相宜者撰本草性事類一卷出本草

隋

徐敏齊

徐敏齊太常卿之範之子也工醫博覽多藝開皇中贈朝散大夫出隋書

許智藏

許智藏高陽人幼嘗以母疾博覽醫方世號名醫仕陳為散騎侍郎會秦孝王俊有疾上馳召之夜夢其亡妃崔氏泣曰本來相迎聞許智藏將至其人若到當必相苦為之奈何明夜俊又夢崔氏曰妾得計矣當入靈府中避藏至為俊診脉曰疾已入心即當發

痼不可救也果如其言

出隋書

巢元方

巢元方不知何許人也大業中為太醫博士奉詔撰諸病原委為五十二卷因不該集

出宋宣獻撰巢氏病源序

楊上善

楊上善不知何許人妙通醫術述黃岐素問內經靈樞之秘纂為大素

全元起

全元起者隴東人訓解素問八卷嘗有說云素者本也問者黃帝問岐伯也陳性情之原五行之本故

素問

出素問註

唐

蘇恭

蘇恭顯慶中為行右監門府長史騎都尉表請脩唐本草撫陶氏之乖違辯俗用之純素書上甚重之本

甄權

甄權許州扶溝人嘗以母病與弟立言專心醫方遂

臻其妙

甄立言

立言權之弟也以母病專心習醫遂盡其妙武德
集遷太常丞御史大夫杜淹患風毒發腫太宗令
治之既而奏曰更二十一日午時死果如其言
宋俠

宋俠者不知何郡人也性明敏有學術於經方本草
新數尚竟以醫術知名

許胤宗常州義興人初仕陳爲新蔡王外兵參軍時
太后感風不能言脉益沉而噤胤宗曰口不下藥
宜以湯氣蒸之令藥入腠理周時可差遂造黃耆防

風湯數十斛置於牀下氣如烟霧如其言便得語出

是超拜義興太守

並出唐書

孫思邈

孫思邈雍州華原人七歲就學日誦千言善談莊老
百家之說性好醫術但是經方無不該覽撰千金等
方行于世

藥王韋慈藏

韋慈藏京兆人天后時以醫術知名仕爲光祿卿

處士蕭炳

蕭炳蘭陵人知醫術取本草藥名每上一字以四穀

相從作四穀本草五卷以便計閱出本

李虔縱

李虔縱洛陽人天后時為侍醫精於醫術與張文仲

韋慈藏等撰諸藥方行于代出唐書

楊玄操

楊玄操唐欽縣尉洞曉醫道演越人難經編次為十

三類出昭德讀書錄

張文仲

張文仲洛州洛陽人以醫術著名則天時為侍御醫

尤善療風疾則天令撰療風諸方奏曰風有一百

十種氣有八十種大抵雖同人性各異唯氣頭風則

隨其發動臨時消息之但有風氣之人春末夏初及

秋暮要得通洩即不至困劇

孟詵

孟詵者汝州梁人也以進士擢第垂拱初累遷鳳閣

舍人少好方術以藥餌為事撰補養必效方行於世

王冰

王冰號啓玄子寶應中為太僕令篤好醫方得先師

所藏太素及全元起訓解大為次註素問合八十一

篇二十四卷且序曰將升岱岳非逕奚為欲詣扶桑

舟莫適乃精勤博訪而并友其人歷十二年方臻
要詢謀得失深遂夙心出林光祿素問序

元珠先生

元珠先生不知何許人隱顯莫測惟太僕令王冰識
其為異人乃師事之元珠洞明素問究極微奧密授
妙旨教王冰五臟六氣修煉養生之法草石性理祛
邪去疾諸神方由是冰乃注本經素問至為醫家宗

範出神仙傳

楊損之

楊損之不知何許人通醫道以本草諸書所載藥類

頗繁難於看檢乃去其不急者著刪繁本草五卷中
潤州醫博士兼節度隨軍山本草

王方慶

王方慶大原人也雅有材度博學多文篤好經方精
於藥性

秦鳴鶴

秦鳴鶴不知何許人也為高宗侍醫並出唐史

許孝宗

許孝宗為尚藥奉御與蘇恭等撰本草并圖經目錄
五十四卷考同異擇去取定羣言之得失備庶物之

形容極盡醫術之妙至今傳焉

張鼎

張鼎嘗閱孟詵所撰食療本草有不足者因補八十九種合為二百二十七條

陳藏器

陳藏器唐開元中為三原尉撰本草拾遺十卷以補

陶蘇未備

李含光

李含光不知何許人撰本草音義行于世

五代

孟昶

蜀主孟昶亦通醫理其參比唐本草圖經增益成書謂之蜀本草自為之序今亦傳行

韓保昇

韓保昇偽蜀翰林學士嘗以神農本草唯上中下並序錄合四卷唐本草圖經亦有未盡乃與術家各自參較刪定補緝辯證稍增註釋作蜀本草十卷

陳士良

陳士良偽唐劔州醫學助教撰食性本草載食醫方明五時調養臟腑之術

唐慎微

唐慎微蜀人以醫術稱因本草舊經衍以證類增集
六百餘種醫方之外旁摭經史仙經佛書傳記之說
合唐蜀兩本草爲一書殊爲詳博

醫說卷第一

書名	
版別	冊數 6 紙
定價	80.00
編目	字第 12 号

北京市中国書店定價簽

